

## Bases da promoción

### “TI ES A NOSA ESTRELA DO NADAL”

#### 1) **OBXECTO**

A Federación de Comerciantes e Industriais do Morrazo\_FECIMO, en colaboración co CCA Estrela de Marín (de aquí en diante **A ORGANIZACIÓN**), desenvolverán **do 5 de decembro de 2023 ao 7 de xaneiro de 2024**, ambos inclusive, a promoción **"TI ES A NOSA ESTRELA DO NADAL"** (de aquí en diante **CAMPAÑA**).

Esta Campaña pretende transmitir aos consumidores un atractivo promocional que incentive a realización das compras nos establecementos asociados adheridos a ambas entidades, ofrecendo a posibilidade de acadar importantes premios.

#### 2) **ÁMBITO DA PROMOCIÓN**

Esta promoción terá o seu ámbito nos establecementos comerciais e demais empresas integradas na Federación a través das súas asociacións locais incluída estrela de Marín, que decidan voluntariamente participar na mesma (sempre e cando os mesmos atópanse abertos ao público e en normal funcionamento durante o período indicado). Un establecemento que non participe na campaña non poderá entregar os códigos da promoción nin canxear os cheques compra.

As bases estarán publicadas e dispoñibles nas páxinas webs [www.fecimo.es](http://www.fecimo.es) e [www.comerciodomorrazo.com](http://www.comerciodomorrazo.com).

#### 3) **PREMIOS**

Durante o transcurso da campaña repartiranse premios en **TARXETAS REGALO DO COMERCIO LOCAL** e **PREMIOS EN ESPECIE**.

Os premios en **tarxetas regalo/cheques compra** para mercar nos establecementos adheridos á campaña, por un importe total bruto antes de retencións/ingresos a conta será de **11.400 €**, repartidos da seguinte forma:



## PREMIOS DIRECTOS CAMPAÑA

4 PREMIOS DE 1.000€.....Total\_ 4.000 €

6 PREMIOS DE 200€.....Total\_ 1.200 €

12 PREMIOS DE 100 €.....Total\_ 1.200 €

20 PREMIOS DE 75 €.....Total\_ 1.500 €

40 PREMIOS DE 50 €.....Total\_ 2.000 €

60 PREMIOS DE 25 €.....Total\_ 1.500 €

Os premios “**en especie\***” aportados pola organización consistirán en premios materiais valorados en **6.000 €**. A relación de premios será a seguinte\*\*:

- **100 LOTES DE NADAL (xamón 6,5-7kg, Chourizo 450g, Queixo Gran Capitán semicurado 475g, caixa xamonera navideña decorada)**

*\*A ORGANIZACIÓN resérvase o dereito a entregar aos gañadores outro premio de iguais ou similares características.*

*\*\* Os establecementos participantes na campaña poderán incrementar esta listaxe de premios aportando premios dos seus establecementos.*



#### 4) DEREITO A PARTICIPAR E ACCESO Á PROMOCIÓN.

A campaña trátase dunha promoción dirixida aos clientes-consumidores, maiores de idade, das empresas asociadas adheridas á ORGANIZACIÓN. Pode participar calquera persoa física que realizara algunha compra ou servizo no comercio ou empresa asociada participante durante o período de vixencia da promoción (**do 5 de decembro de 2023 ao 7 de xaneiro de 2024**).

A cada cliente por cada compra superior a 10 € entregaráselle unha tarxeta cun código alfanumérico único impreso, válida para un só uso, que o consumidor poderá validar calquera día da semana, as 24 horas do día e **ata ás 23:59 h** do 7 de xaneiro de 2024 a través da web: [www.comerciodomorrazo.com](http://www.comerciodomorrazo.com). Chegado ese momento, rematará a posibilidade de que os participantes continúen validando códigos.

O establecemento participante poderá entregar ata un **máximo de 3 códigos por unha única compra (independentemente do importe)**, ao seu criterio.

**Aquelas persoas que non conten con medios técnicos ao seu alcance, poderán acudir á sede das Asociacións integrantes da ORGANIZACIÓN para validar os seus códigos.**

Para participar os usuarios deberán introducir os datos do código único da súa tarxeta.

De seguido, deberán rexistrarse con datos:

**NOME**

**APELIDOS**

**TELÉFONO**

**DATA DE NACEMENTO (campo opcional)**

**E-MAIL**

**LOCALIDADE DE RESIDENCIA**

Unha vez cumprimentados os campos requeridos de xeito correcto, o sistema informará automaticamente se o participante resultou premiado cun dos PREMIOS DIRECTOS ou non.

Na promoción entra en xogo o rexistro da persoa, polo que cantos máis códigos se rexistren máis posibilidades terá de resultar premiada.

Os gañadores serán publicados nas páxinas web [www.fecimo.es](http://www.fecimo.es) e [www.comerciodomorrazo.com](http://www.comerciodomorrazo.com) e serán contactados polo promotor dacordo cos datos do rexistro. É imprescindible gardar o **CÓDIGO** posto que solicitaráselle, se resulta premiada.



Cada cliente poderá participar tantas veces como códigos obteña mediante a compra ou contratación de servizos, aumentando deste xeito as súas probabilidades de resultar agraciada cun premio.

A presente promoción farase con igualdade de oportunidades e con estrito respecto ás normas básicas da boa fe. Por elo, calquera utilización abusiva ou fraudulenta destas bases dará lugar á conseguinte exclusión do participante na promoción.

Todos os datos introducidos pola participante deberán ser veraces. No suposto de que o participante rexistrárase con datos falsos ou utilizara de xeito inadecuado tecnoloxía informática para acadar obxectivos fraudulentos, non se terá en conta e quedará excluído da promoción e da posibilidade de optar a premio algún.

A constatación de calquera destas circunstancias suporá a descalificación automática do participante. No caso de constatar as citadas irregularidades con posterioridade á aceptación do premio, A ORGANIZACIÓN, resérvase o dereito a exercer todas as accións legais que lle asistan contra os infractores.

## 5) PROCEDIMENTO DE ADXUDICACIÓN DE PREMIOS.

### PREMIOS DIRECTOS

Antes do comezo da campaña, estableceranse ao azar os **MOMENTOS** nos que serán entregados os premios directos. Para cada premio, establecerase un **MOMENTO** dentro do período de tempo de vixencia da campaña. Estes **MOMENTOS** serán definidos como día\_hora\_minuto\_segundo. Cada premio será asignado ao primeiro código que sexa rexistrado á partir da activación aleatoria do **MOMENTO** establecido para dito premio. A listaxe de momentos nos que se repartirá cada premio será xerada de forma automática e só será coñecida pola empresa que xestiona a promoción por Internet, que asinará un compromiso de confidencialidade.

### PREMIOS SORTEO FINAL

Aqueles códigos, correctamente rexistrados, que non fosen premiados cun dos premios directos habilitados no sistema, entrarán automaticamente no sorteo final dos premios de **1.000 €** en TARXETA REGALO DO COMERCIO LOCAL/CHEQUES COMPRA que se levará a cabo o **luns 08 de xaneiro de 2024, ás 12:00h** na sede de Fecimo na Avda de Cangas 91 – Baixo (Cangas do Morrazo). O sorteo será público e aberto coa única limitación do aforo das instalacións e as condicións sanitarias vixentes para a realización do mesmo.

Os códigos premiados cun premio directo non participarán no sorteo de premios do sorteo final.



## 6) ENTREGA E ACEPTACIÓN DOS PREMIOS

Para a entrega dos **PREMIOS DIRECTOS ADJUDICADOS**, unha vez o sistema detecte que o participante obtivo un premio, automáticamente enviaráselle unha mensaxe por e-mail (ao enderezo facilitado no rexistro) acreditándoo como premiado/a.

No prazo de 10 días hábiles o premiado deberá acreditar a súa condición de gañador dirixíndose á **ORGANIZACIÓN** ou directamente no establecemento comercial no que realizou a compra de ser un premio directo do establecemento, que deberá comunicalo á **ORGANIZACIÓN**, poidendo serlle requerido o código premiado. De non ser así a **ORGANIZACIÓN** porase en contacto co premiado no número de teléfono facilitado ao participar na promoción,

No suposto de que o gañador/a non aceptara o premio nas condicións e prazos establecidos ou, tras 3 chamadas, non puidera ser localizado mediante os datos facilitados o premio quedará deserto.

Ningún dos premios da presente promoción poderá ser obxecto de cambio, alteración, compensación o cesión a petición dos gañadores.

Os **PREMIOS DIRECTOS**, tanto os aportados pola organización como os aportados polos establecementos, poranse á disposición das persoas gañadoras a partires do seguinte venres dende o momento no que se acredite dita condición.

As persoas premiadas deberán recollelo nun prazo de 10 días hábiles dende a posta a disposición. (data límite de recollida de premios: 31 de xaneiro de 2023)

Os gañadores/as de calquera dos premios deberán gastalos nos establecementos adheridos á campaña, nun prazo de **1 MES dende a obtención do premio (en todo caso establececese como data límite para facer uso do premio: 28 de febreiro de 2024)**.

## 7) OUTRAS CONDICIÓNS DOS PREMIOS

- En calquera dos casos, os premiados deberán entregar a tarxeta co código premiado, nos prazos establecidos previamente para a identificación do premiado. **Unicamente será decisión de FECIMO, non requirilo, no caso en que outras circunstancias de clara evidencia, acrediten a condición de premiado.**
- FECIMO resérvase o dereito a non aceptar tarxetas de códigos ilexibles, manipulados, falsos ou con calquera defecto ou anomalía que impidan o seu recoñecemento ou validez de participación nesta promoción.
- O período de reclamacións ao promotor finaliza en 7 días hábiles transcorridos dende a comunicación ao gañador.
- As persoas gañadoras deberán facerse unha fotografía no momento da recollida do premio para acreditar a entrega do mesmo. O incumprimento desta norma causará a renuncia do premio por parte da persoa gañadora.
- Os premios finais de **1.000€** están suxeitos ás seguintes condicións:
  - i. Entregaranse 10 tarxetas regalo do comercio local por importe unitario de 100€ en puntos para gastar no comercio local.
  - ii. A persoa gañadora **non poderá gastar máis dunha tarxeta (100€) nun mesmo establecemento participante.** De non respectar esta condición, a organización resérvase o dereito a retirar a condición de gañadora á persoa posuidora das tarxetas e reclamar o reintegro do premio.
  - iii. As tarxetas recibidas solo se poderán descontar nos establecementos comerciais participantes na campaña de nadal.
  - iv. A persoa gañadora disporá de 30 días naturais dende a entrega do premio, para facer uso do mesmo. Transcorrido dito prazo as tarxetas regalo quedarán desactivadas.

## 8) LIMITACIÓNS PARA PARTICIPAR

A **ORGANIZACIÓN** resérvase o dereito, se concorre causa xusta e previa comunicación de xeito legal, a efectuar calquera cambio, suspender ou ampliar esta promoción. A simple participación implica a aceptación destas bases na súa totalidade, polo que a manifestación, no sentido da non aceptación das mesmas, implicará a exclusión do participante e, como consecuencia, a **ORGANIZACIÓN**, quedará liberada do cumprimento da obriga contraída con dito participante.

Así mesmo, os participantes comprométese a admitir a decisión interpretativa que a **ORGANIZACIÓN** poida darlle sobre as presentes bases ou sobre calquera cuestión derivada da promoción contemplada nestas.

Prohíbese a participación de titulares de negocios, empregados/as, cónxuxe, nin familiar de 1º grao descendente ou ascendente (fillos/pais) do establecemento onde fora asignada a tarxeta de código.

Polo tanto a persoa gañadora de calquera dos premios non poderá ser o propietario/titular/socio, os seus empregados, cónxuxe, nin familiar de 1º grao descendente ou ascendente (fillos/pais) do establecemento onde fora entregada a tarxeta de código.

Dada a imposibilidade material por parte da **ORGANIZACIÓN** de identificar as persoas mencionadas anteriormente, de resultar calquera delas agraciadas e de coñecerse tal circunstancia, excluírase como premiado quedando dito premio deserto.

Así mesmo, se a persoa que figura no boleto gañador fose un menor, poderá representalo os seus pais ou titor legal.

## 9) EXONERACIÓN DE RESPONSABILIDADES

- A **ORGANIZACIÓN** non se responsabiliza do uso que do premio realice o agraciado e non será responsable dos servizos nin produtos que terceiras empresas deban prestar con motivo do premio desta promoción.
- A **ORGANIZACIÓN** non será responsable se a tarxeta de código é ilexible, incorrecto, está danado, perdeuse, sustraíuse ou calquera outra circunstancia allea ao promotor que anule o dereito do gañador a reclamar o premio.
- A **ORGANIZACIÓN** non será responsable por danos e prexuízos de calquera natureza que poidan deberse á falta temporal de dispoñibilidade ou de continuidade das redes de telecomunicacións ou a web ou o microsite mediante o cal participa na promoción.
- A **ORGANIZACIÓN** non será responsable se ao tratar de contactar co teléfono do gañador ou o seu correo electrónico están fora de servizo ou non reciben axeitadamente.

## 10) DEREITOS E DEBERES DE PARTICIPANTES E GAÑADORES.

### REPERCUSIÓN FISCAL

FECIMO non se fará cargo dos impostos derivados da entrega dos premios, salvo aqueles que por lei correspóndalle satisfacer, e, no seu caso, practicará o ingreso a conta ou a retención que poida corresponderlle en virtude da lexislación aplicable.

- a) De conformidade coa normativa do IRPF os premios desta promoción estarán suxeitos á normativa fiscal en vigor en cada momento, actualmente a **Lei 35/2006, de 28 de novembro do IRPF**, modificada pola Lei 26/2014 de 27 de novembro, o Real Decreto 439/2007, de 30 de marzo polo que se aproba o Regulamento do IRPF, o Real Decreto 2004/2009 de 23 de decembro e o **Real Decreto-Ley 9/2015** que modifica o anterior.

Neste marco legal, establécese que os premios derivados da participación en xogos, concursos, rifas, ou combinacións ao azar vencelladas á venda e promoción de bens e servizos están suxeitos ao ingreso a conta sempre e cando a base de retención ou ingreso á conta do premios sexa superior a 300 €.



- b) Con independencia do establecido no punto anterior, o premiado queda obrigado ao cumprimento das súas obrigas contables e fiscais. En concreto, e como suxeito beneficiario do premio deberá declarar e incorporar na súa base imponible xeral do seu IRPF, a valoración neta do premio.
  
- c) FECIMO queda relevado de calquera responsabilidade relativa ás obrigas fiscais que para o agraciado puideran derivarse da obtención do premio.

### **TRATAMENTO DOS DATOS DE CARÁCTER PERSOAL**

A ORGANIZACIÓN respecta a lexislación vixente en materia de protección de datos persoais, a privacidade dos usuarios e o secreto e seguridade dos datos persoais, de conformidade co establecido na lexislación aplicable en materia de protección de datos, en concreto, a Lei Orgánica de 3/2018 de 5 de decembro de Protección de Datos e Garantía de Dereitos Dixitais (LOPDGDD), adoptando para iso as medidas técnicas e organizativas necesarias para evitar a perda, mal uso, alteración, acceso non autorizado e roubo dos datos persoais facilitados, tendo en conta do estado da tecnoloxía, a natureza dos datos e os riscos aos que están expostos.

En concreto, infórmase os usuarios do portal que os seus datos de carácter persoal só poderán obterse para o seu tratamento cando sexan adecuados, pertinentes e non excesivos en relación co ámbito e as finalidades determinadas, explícitas e lexítimas para as que se obtiveron.

A ORGANIZACIÓN informa de que os datos proporcionados por calquera medio polos **participantes** da promoción na web [www.comerciodomorrazo.com](http://www.comerciodomorrazo.com) serán incorporados a un ficheiro automatizado responsabilidade da entidade, coa finalidade de xestionar o seu acceso e participación na presente promoción

Os participantes poderán exercer os dereitos de acceso, rectificación, cancelación e oposición. Establecese como puntos de contacto para os interesados os seguintes correos electrónicos [fecimo@fecimo.es](mailto:fecimo@fecimo.es) e [info@estrelademarin.es](mailto:info@estrelademarin.es). Así mesmo, establececese como punto de contacto presencial para os interesados os seguintes domicilios, Avda de Vigo nº 91-baixo, 36940 Cangas (Pontevedra) e Rúa Real 10, baixo, 36900 Marín (Pontevedra).

A ORGANIZACIÓN adoptará as medidas técnicas e organizativas necesarias para garantir a seguridade e integridade dos datos, así como para evitar a súa alteración, perda, tratamento ou acceso non autorizado.

### **CESIÓN DE DEREITOS DE IMAXE**

Os gañadores nesta promoción autorizan a que se tomen fotografías e se graven imáxenes en soporte audiovisual así como a súa reprodución, uso, e difusión do seu nome, apelidos e imaxen en calquera actividade publicitaria e/ou promocional relacionada coa promoción, todo elo en calquera medio e sen que ditas actividades lles confira dereito de remuneración





económica ou en especie ou de reprodución, distribución e comunicación pública de gravacións ou imaxes captadas, sen limitación de tempo nin territorio exclusivamente relacionadas con este certame, sen restricción algunha, no seu estado orixinal ou procesadas e alteradas de calquera xeito, en todo ou en parte, en calquera medio visual, impreso ou electrónico presente ou que se poida desenvolver no futuro como serían entre outros, exposicións, revistas, libros, diarios, televisión, valos publicitarios, folletos, puntos de venda, CD Rom ou DVD, sitios de Internet ou similares, con calquera obxecto lícito o que inclúe, entre outros, publicidade, promocións, contido editorial e anuncios.

## 11) ACEPTACIÓN DAS BASES

A participación na presente promoción supón a aceptación íntegra das presentes bases e a sumisión expresa das decisións interpretativas que das mesmas efectúe a **ORGANIZACIÓN**. Para verificar esta aceptación ao participante solicitarase a aceptación expresa no momento de validación de códigos. No caso de diverxencia entre os participantes na promoción e a interpretación das presentes bases pola **ORGANIZACIÓN**, serán competentes para coñecer dos litixios que poidan plantexarse os Xulgados e Tribunais de Cangas do Morrazo, renunciando expresamente os participantes desta promoción ao seu propio fuero, de resultar distinto ao aquí pactado.

En Cangas, a 05 de decembro de 2023

